



Broj: 16-12-16-2-5289-~~13~~ /15
I. Sarajevo, ~~07~~ 2015. godine

Na osnovu člana člana 70. Zakona o javnim nabavkama ("Službeni glasnik BiH", broj 39/14), na preporuku Komisije za provođenje postupka nabavke broj 16-12-16-2-5289/15 od 26.06.2015. godine, u postupku javne nabavke materijala za održavanje računarske i komunikacijske opreme Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u konkurentskom zahtjevu za dostavljanje ponuda za javnu nabavku materijala za održavanje računarske i komunikacijske opreme

Član 1.

Prihvata se preporuka Komisija za provođenje postupka nabavke broj 16-12-16-2-5289/15 od 26.06.2015. godine i ugovor o kupoprodaji materijala za održavanje računarske i komunikacijske opreme Državne agencije za istrage i zaštitu dodjeljuju se i to za:

LOT-1-Nabavka materijala za održavanje računarske opreme, ponuđaču "Inter - Com" d.o.o. Zenica, ponuda broj 16-12-16-2-5289-8/15 od 18.06.2015. godine, za ponudenu cijenu 27.103,67 KM bez uračunatog PDV-a i

LOT-2-Nabavka materijala za održavanje komunikacijske opreme, ponuđaču "Inter - Com" d.o.o. Zenica, ponuda broj 16-12-16-2-5289-8/15 od 18.06.2015. godine, za ponudenu cijenu 16.133,22 KM bez uračunatog PDV-a.

Član 2.

Ponuđač iz člana 1. ove odluke obavezuje se da u roku od pet dana od dana prijema iste ugovornom organu dostavi dokaze o ispunjavanju uslova iz tač. 3.1.1 i 3.1.3 Konkurentskog zahtjeva (orginal ili ovjerena kopija).

Član 3.

Prijedlog ugovora o kupoprodaji dostavit će se na potpis izabranom ponuđaču, po proteku roka od 10 dana, računajući od dana kada su svi ponuđači obaviješteni o izboru napovoljnije ponude.

Član 4.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

Član 5.

Ova odluka objavit će se na web stranici Državne agencije za istrage i zaštitu, istovremeno s upućivanjem ponuđačima koji su učestvovali u postupku javne nabavke.

Član 6.

Ova odluka stupa na snagu danom donošenja.

O b r a z l o ž e n j e

Postupak javne nabavke materijala za održavanje računarske i komunikacijske opreme Državne agencije za istrage i zaštitu (u daljem tekstu: Agencija) pokrenut je Odlukom direktora Agencije broj 16-12-16-2-5289-1/15 od 03.06.2015. godine, procijenjene vrijednosti 42.000,00 KM bez uračunatog PDV-a, za šta su novčana sredstva predviđena u okviru budžetskih sredstava za 2015. godinu. Postupak javne nabavke proveden je putem Konkurentskog zahtjeva, za koji je obavještenje o nabavci objavljeno na Portalu javnih nabavki broj 1161-7-1-494-3-11/15 od 09.06.2015. godine.

Komisija za provođenje postupka nabavke (u daljem tekstu: Komisija) dostavila je Izvještaj o radu broj 16-12-16-2-5289/15 od 30.06.2015. godine sa preporukom o izboru najpovoljnijeg ponuđača u postupku javne nabavke materijala za održavanje računarske i komunikacijske opreme Agencije.

Na osnovu dostavljenog Izvještaja o radu Komisije utvrđeno je da je predmet nabavke podijeljen na lotove kako slijedi:

- LOT 1-Nabavka materijala za opravku i održavanje računarske opreme, procijenjene vrijednosti 25.000,00 KM, bez uračunatog PDV-a i
- LOT 2-Nabavka materijala za opravku i održanje komunikacijske opreme, procijenjene vrijednosti 17.000,00 KM bez uračunatog PDV-a.

Obzirom da je tačkom 6. Konkurentskog zahtjeva navedeno da je rok za dostavljanje ponuda 18.06.2015. godine do 13,00 sati, te da se ponude dostavljaju u zatvorenoj koverti, Komisija je dana 18.06.2015. godine u 14,00 sati izvršila javno otvaranje ponuda. Predsjedavajuća Komisije, na otvorenom sastanku, pristupila je otvaranju primljenih ponuda prema datumu i vremenu prijema, numerišući kovertu, gdje je utvrđeno da su blagovremeno dostavljene četiri ponude, uredno zapečaćene, kako slijedi:

Redni broj	Naziv ponuđača	LOT	Vrijednost ponude (bez PDV-a)
1.	“Mibo Komunikacije” d.o.o. Sarajevo	LOT 2	16.216,00 KM
2.	“Alf - om” d.o.o. Banja Luka Poslovna jedinica Istočno Sarajevo	LOT 1	29.927,50 KM
3.	“Inter - Com” d.o.o. Zenica	LOT 1 LOT 2	27.106,22 KM 16.132,74 KM 3% popust, uračunat u cijenu
4.	“Imtec” d.o.o. Sarajevo	LOT 2	14.160,00 KM

Komisija je nakon otvaranja ponuda, u smislu člana 63. st. (5) i (6) Zakona o javnim nabavkama (“Službeni glasnik BiH”, broj 39/14) (u daljem tekstu: Zakon) sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Komisija

je postupak nastavila u smislu pregledanja dokumentacije priložene uz svaku pojedinačnu ponudu, a u cilju ocjenjivanja svakog ponuđača, te njihove kvalifikovanosti shodno uslovima navedenim u Konkurentskom zahtjevu. Uvidom u sadržaj dostavljenih ponuda Komisija je utvrdila da ponuđači "Mibo Komunikacije" d.o.o. Sarajevo, "Alf - om" d.o.o. Banja Luka, Poslovna jedinica Istočno Sarajevo, "Inter - Com" d.o.o. Zenica i "Imtec" d.o.o. Sarajevo, ispunjavaju kvalifikacione uslove u pogledu njihove lične sposobnosti, sposobnosti obavljanja profesionalne djelatnosti, te ekonomske i finansijske sposobnosti navedene u Konkurentskom zahtjevu. Također, pregledom ponude ponuđača "Imtec" d.o.o. Sarajevo, Komisija je konstatovala da ista ne ispunjava formalno-pravne uslove tražene Konkurentskim zahtjevom budući da Obrazac za cijenu ponude LOT 1, materijal za računarsku opremu, nije potpisan od strane dobavljača, kako je navedeno u samom obrascu. Također navedeni ponuđač Specifikaciju materijala za održavanje računarske opreme za LOT 1, nije popunio na pravilan način, odnosno nije iskazao ukupnu vrijednost ponude bez PDV-a, popust %, ukupnu vrijednost sa popustom bez PDV-a, ukupnu vrijednost sa PDV-om kako je navedeno u Specifikacije, zbog čega ponuda ponuđača "Imtec" d.o.o. Sarajevo nije dalje razmatrana niti vrednovana.

Komisija je u cilju ocjene tehničkih uslova navedenih u Konkurentskom zahtjevi od Sektora za operativnu podršku aktom broj 16-12-16-2-5289/15 od 22.06.2015. godine, tražila da na osnovu uvida u pristigle ponude za LOT 1 i LOT 2, dostavi stručno mišljenje u vezi postavljenih tehničkih uslova (kompatibilnosti). Sektor za operativnu podršku je aktom broj 16-10-16-2-5289/15 od 22.06.2015. godine, potvrdio da dostavljene ponude zadovoljavaju tehničke uslove postavljene Konkurentskim zahtjevom.

U toku ekonomske ocjene dostavljenih ponuda kod ponuđača "Inter - Com" d.o.o. Zenica, za LOT 1 i LOT 2, Komisija je u Specifikaciji materijala za održavanje računarske opreme i Specifikaciji materijala za održavanje komunikacijske opreme konstatovala greške računске prirode, a koje se ogledaju u sljedećem:

LOT 1 Specifikacija materijala za održavanje računarske opreme:

- U specifikaciji redni broj 9, Video Compact Flash Adapter Tarkan Iflash ZIF to CF Ver. 9 adapter for Ipod SSD conversion 1.8inch ZIF - CF Adapter, stoji količina 2 komada, cijena bez PDV-a, 16,18 KM, što ukupno iznosi 33,60 KM, a treba biti 32,36 KM (razlika - 1,24 KM),
- U specifikaciji redni broj 10, Konektor RJ45, stoji količina 2000 komada, cijena bez PDV-a, 0,19 KM, što ukupno iznosi 380,80 KM, a treba biti 380,00 KM (razlika - 0,80 KM),
- U specifikaciji redni broj 15, Canyon miš CNE-CMS3, stoji količina 50 komada, cijena bez PDV-a, 5,82 KM, što ukupno iznosi 291,20 KM, a treba biti 291,00 KM (razlika - 0,20 KM),
- U specifikaciji redni broj 40, SSD Ladica za laptop SATA (umjesto optike DVD/RW) stoji količina 3 komada, cijena bez PDV-a, 11,23 KM, što ukupno iznosi 34,00 KM, a treba biti 33,69 KM (razlika - 0,31 KM),

Ukupna vrijednost ponude ponuđača „Inter-Com“ d.o.o. Zenica za LOT 1 treba da iznosi 27.103,67 KM bez uračunatog PDV-a, a ne 27.106,22 kako je iskazano u ponudi.

LOT 2 Specifikacija materijala za održavanje komunikacijske opreme:

- U specifikaciji redni broj 12, Kron-kliješta za telefonske krona reglete, stoji količina 2 komada, cijena bez PDV-a, 12,24 KM, što ukupno iznosi 24,00 KM, a treba biti 24,48 KM (razlika + 0,48 KM),

Ukupna vrijednost ponude sa uključenim popustom od 3% za LOT 2 treba da iznosi 16.133,22 KM, a ne 16.132,74 kako je iskazano u ponudi.

Obzirom da su konstatovane greške računске prirode Komisija je aktom broj 16-12-16-2-5289-11/15 od 22.06.2015. godine, u skladu sa članom 17. st. (1) i (3) Uputstva za primjenu modela tenderske dokumentacije i ponuda ("Službeni glasnik BiH", broj 90/14) zatražila prihvatanje grešaka računске prirode. Ponuđač "Inter -Com" d.o.o. Zenica je aktom od 23.06.2015. godine, potvrdio da prihvata greške računске prirode, te da ukupna vrijednost ponude ponuđača "Inter-Com" d.o.o. Zenica, za LOT 1 iznosi 27.103,67 KM bez uračunatog PDV-a, a za LOT 2 ukupna vrijednost ponude iznosi 16.133,22 KM bez uračunatog PDV-a.

Nakon pregledanja dokumentacije priložene uz dostavljene ponude, Komisija je u smislu člana 65. st. (1) i (2) Zakona, ocijenila kvalifikovane ponude koje ispunjavaju formalno-pravne uslove, primjenjujući kriterij najniže cijene tehnički zadovoljavajuće ponude iz tačke 8. Konkurentskog zahtjeva i sačinila rang listu ocijenjenih ponuda počev od najuspješnije ka najmanje uspješnoj, kako slijedi:

LOT	Naziv ponuđača	Ukupna cijena (bez PDV-a)
LOT 1	- "Inter - Com" d.o.o. Zenica - "Alf-om" d.o.o. Banja Luka Poslovna jedinica Istočno Sarajevo	- 27.103,67 KM - 29.927,50 KM
LOT 2	- "Inter - Com" d.o.o. Zenica - "Mibo Komunikacije" d.o.o Sarajevo	-16.133,22 KM sa uračunatim popustom od 3% - 16.216,00 KM

Nakon sačinjavanja rang liste ocijenjenih ponuda Komisija je konstatovala da ponuda najpovoljnijeg ponuđača za LOT 1 "Inter -Com" d.o.o. premašuje procijenjenu vrijednost nabavke za 2.103,67 KM ili cca. 8,4%.

Komisija je aktom broj 16-12-16-2-5289/15 od 25.06.2015. godine, od Sektora za materijalno-fonansijske poslove tražila mišljenje po pitanju obezbjeđenja dodatnih novčanih sredstava za realizaciju predmetne nabavke. Sektor za materijalno-finansijske poslove je aktom broj 16-12-16-2-5289/15 od 26.06.2015. godine, Komisiji dostavio informaciju da je u budžetu Agencije za 2015. godinu, moguće obezbijediti dodatna novčana sredstva za realizaciju predmetne nabavke.

Nakon provedenog postupka ocjenjivanja dostavljenih ponuda, uvažavajući mišljenje Sektora za materijalno-finansijske poslove i Sektora za operativnu podršku Komisija je utvrdila da je ponuda ponuđača "Inter- Com" d.o.o. Zenica, ocijenjena kao najpovoljnija ponuda za LOT 1 i LOT 2.

Shodno navedenom, prihvaćen je prijedlog Komisije i odlučeno je da se ugovori o kupoprodaji materijala za održavanje računarske opreme (LOT 1) i materijala za održavanje komunikacijske opreme (LOT 2) dodijele ponuđaču "Inter- Com" d.o.o. Zenica.


Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama.

S poštovanjem,

DOSTAVLJENO:

- Ponuđačima 4x,
- Sektoru za mat - fin poslove,
- a/a.



DIREKTOR

GLAVNI GENERALNI INSPEKTOR POLICIJE

Goran Zubac



Broj: 16-12-16-2-5289-~~14~~/15
I.Sarajevo, ~~08.07.~~ 2015. godine

Na osnovu člana 209. Zakona o upravnom postupku («Službeni glasnik BiH», br. 29/02, 12/04, 88/07, 93/09 i 41/13), direktor Državne agencije za istrage i zaštitu, d o n o s i

ZAKLJUČAK

U obrazloženju Odluke o izboru najpovoljnijeg ponuđača u konkurentskom zahtjevu za dostavljanje ponude za javnu nabavku materijala za održavanje računarske i komunikacijske opreme broj 16-12-16-2-5289-13/15 od 02.07.2015. godine, na strani broj 2 u tabeli pod rednim brojem 4. ispravlja se tehnička greška koja se odnosi na LOT i vrijednost ponude ponuđača „Imtec“ d.o.o. Sarajevo, tako da umjesto „LOT 2“ treba da stoji „LOT 1“ i umjesto „14.160,00 KM“ treba da stoji „30.379,99 KM“.

O b r a z l o ž e n j e

Odlukom broj 16-12-16-2-5289-13/15 od 02.07.2015. godine izabran je najpovoljniji ponuđač u konkurentskom zahtjevu za dostavljanje ponude za javnu nabavku materijala za održavanje računarske i komunikacijske opreme Državne agencije za istrage i zaštitu. U obrazloženju navedene odluke na strani broj 2 u tabeli pod rednim brojem 4. napravljena je tehnička greška koja se odnosi na LOT i vrijednost ponude ponuđača „Imtec“ d.o.o. Sarajevo, tako da umjesto „LOT 2“ treba da stoji „LOT 1“ i umjesto „14.160,00 KM“ treba da stoji „30.379,99 KM“.

Odredbama člana 209. Zakona o upravnom postupku propisano je da organ koji je donio rješenje može u svako vrijeme ispraviti grešku u imenima i brojevima i druge očigledne netačnosti u rješenju koje se ispravlja, te da ispravka greške proizvodi pravni učinak od dana od kojeg proizvodi rješenje koje se ispravlja, da se o ispravci rješenja izrađuje poseban zaključak koji se dostavlja strankama, te da je protiv istog dopuštena žalba.

Imajući u vidu navedeno, odlučeno je kao u dispozitivu ovog zaključka.

Pouka o pravnom lijeku: Protiv ovog zaključka može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja istog. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 4x,
- Sektoru za mat.-fin poslove,
- a/a.

DIREKTOR
GLAVNI GENERALNI INSPEKTOR POLICIJE

Gotan Zubac

